

淳祐玉峰志

崑山為吳壯邑地險而俗勁田多而賦重凋弊積有年矣故於  
稽古載籍之事多缺焉攷之吳郡志雖附書一二其詳不可得  
而聞公澤承乏學製每與鄉校諸友議斯缺典欲網羅補苴然  
方有公事未皇也直學凌君掌儀邊君俱有俊譽慨為己任搜  
訪掇拾斯已勤矣地理標名財賦之件目嘗與參訂至若廢置  
因革人物異聞視昔為詳將來印證於多識前言往行者俟及  
瓜懼失其傳而二君之勞孤矣姑綴諸梓以俟方來庶知今者  
果不謬古者猶可質之淳祐壬子中和節東嘉項公澤謹跋  
郡縣必有志獨崑山無之豈前人之長不及此哉期會之事有  
急於此則謂之不急也亦宜然往無所稽來無所據識者每以

為歎永嘉項公出宰茲邑百廢具興一日下叩圖經事以萬頃  
嘗輯叙一二蓋畧焉而未備也掌儀邊君尤勤於搜訪遂相與  
編次期年乃成本古今郡志所附而益以耳聞目見之可攷者  
大槩公之修創增益為多昔人以笏比甘棠後之覽者猶笏然  
則是志為不徒作矣博雅之士尚訂正之松臞凌萬頃叔度書  
王峰有志尚矣瀋祐壬子編類於邊君直學之筆刊鏤傳信距  
今逾二十稔咸淳壬申余捧檄代庖斯邑繙閱是書頗有遺佚  
若派買之公田撥隸若學校之創主學建直舍或述前輩之詩  
而曰載諸雜詠者為不見全璧之歎或題掄魁之名而不編入  
人物者有幹乘周鼎之疑是皆累於時之所不及失於見聞之

所不逮耳余因以續志屬之邊君邊君曰某有志於此久矣敢不自力乃會粹古書搜覽今籍三閱月而書成增入者三十餘條改定者二十餘條混乎風土之攸宜總乎事物之備舉理該文核綱舉目張其長公訓導銓釋雜詠亦一新之余重鄉拜觀不忍釋手謹命工繡梓以壽其傳後之覽者與吾同志嗣而續之庶斯文之不泯也是歲中秋日合沙玉淵謝公應謹書石湖先生志吳郡嘗與龔滕周三君子相詮次有某人持其事求入志不得遂譁曰志非石湖筆也石湖嘆不辨豈志之作向出於二人之手事詞或未一今夏不揆續修將以釐前誤而紀新聞或有議其擅者其與議吳志者若相反焉於此可以知後進之視先達天地之相遠絕也於其鈐梓之畢書以自訟此書

邊實謹書

郡縣必

崑山無

此哉

事有急於此則謂之不急

亦宜然

來無所據

識者每以為欠永嘉項公出宰茲邑百廢

一日

圖經事以萬頃

嘗緝叙一二蓋略焉而未備

儀邊

君尤廛於搜訪遂相與編次期年乃成本古經郡志  
所附而益以耳聞目見之可攷者大槩公之脩創增  
益為多昔人以笏比甘棠後之覽者猶笏然則是  
志為不徒作矣博雅之士尚訂正之

王峰有志尚矣淳祐壬子編類於邊君直學之筆  
刊鏤傳信距今逾二十稔咸淳壬申余捧檄代庖斯  
邑繙閱是書頗有遺佚若派買之公田撥隸若學校  
之主學創貲或述前輩之詩而曰載諸雜詠者為不  
見全璧之嘆或題倫魁之名而不編入人物者有幹棄  
周鼎之疑是皆累於時之所不及失於見聞之所不逮尔  
余因以續志屬之邊君君曰某有志於此久矣敢不  
自力廼會萃古書披搜今籍三閱月而書成增入者  
三十餘條改定者二十餘條渾乎風土之宜總乎  
事物之脩理該文核綱舉目張其

長公訓導銓擇雜詠亦一  
手謹命工綉以壽其後  
覽者與我同志嗣而  
續之庶知文不泯也  
是歲中秋日合沙玉淵謝公應謹  
跋

石湖先生志吳郡嘗與龔勝周三君子相銓次有某人持某事求入志不得遂譁曰志非石湖筆也石湖笑不辨崑志之作向出於二人之手事詞或未一今夏不揆續修將以釐前誤而紀新聞或有議其擅者其與議吳志者若相反焉於此可以知後進之視先達天地之相遼絕也於其鈐梓之畢書以自訟之意遠實敬

書

周祥卿林瑞卿陸雲卿  
陳景初王士志何元礼



玉峰志目錄

陽羨凌萬頃  
陳留遼實

卷上

起例

縣境圖

縣郭圖

馬鞍山圖

沿革

縣境地里

四至八到

鄉鎮

城社

山

山岡墩壩

水

風俗

戶口

學校

坊陌橋梁

營寨

卷中

公宇

稅賦

課利

卷下

官租

進士題名

縣令題名

人物氏族

名官

古蹟古事

土產

封爵

寺觀

祠廟

園亭

異聞

例

凡事舊在崑山而今在嘉定者以今不隸本邑  
今皆不載

凡碑記見存者書其名不載其文不存者載  
其文

凡事有吳郡志所載與今所修不同者以今  
日所聞見無異者修

凡叙人物有本邑人而今居他所本非邑人而  
今寓居者今皆載

凡事有重見者止載一處餘書見其門更  
不重載

玉峰志卷上

陽羨凌萬頃

陳留邊實

沿革

望崑山縣古婁縣也在禹貢為楊州之域在周為吳秦併天下分郡三十六始置會稽郡漢因之婁縣隸焉王莽改曰婁治後漢晉宋齊皆曰婁屬吳郡吳志張昭陸遜皆封婁侯今縣東北三里有村曰婁縣蓋古縣治也梁天監中分婁縣置信義縣屬信義郡大同初郡廢復分信義置崑山今縣西二十里有村曰真義豈

亦古縣治所寓後訛信為真邪隋平陳  
省吳州七縣崑山預焉開皇十八年復置  
唐五代至

皇朝皆因之縣有山曰崑山陸機宅于山之  
陰縣本因山得名今山乃在華亭而陸  
氏後又居嘉禾按唐天寶間始立華亭  
縣本崑山縣地輿地記吳郡太守趙居貞  
奏割嘉興海鹽崑山三縣地為華亭縣  
元和郡國志由是崑山有縣之名而山實在  
華亭今隸境者乃馬鞍山也故自婁縣而  
分信義自信義而分崑山又自崑山而分  
華亭至今猶號壯縣則昔之廣袤尤可

想見縣鄉一十四都五十二嘉定十年知府  
趙彥橐提刑王棐奏分安亭春申平樂  
醋塘臨江五鄉為嘉定縣今所管者九鄉  
二十四保而已以上並以前後漢宋齊梁陳隋  
唐書通鑑三國志五代史修

縣境

東西六十三里

南北一百三十里

縣郭

東西三里三十步

南北二里二百八十步

鄉鎮

積善鄉在縣西南三里界止三十六里

第一第二保

朱塘鄉在縣西一十五里界止四十里

第三第四保

全吳鄉在縣西南三十里界止七十里

第五第六保

泖川鄉在縣東南五十里界止九十里

第七第八保

武元鄉在縣東南二十五里界止三十里

第九第十保

永安鄉在縣東四十五里界止五十里

第十一第十二第十三第十四保

湖川鄉在縣東七十里界止一百里

第廿一第廿二保

新安鄉在縣東北八十里界止一百一十里

第廿三第廿四第廿五第廿六保

惠安鄉在縣東北三十里界止七十里

第廿七第廿八第廿九第卅保

四至八到

東至嘉定縣界三十六里

西至長洲縣界二十七里

南至嘉興府華亭縣界八十里

北至常熟縣界五十里

東南到嘉興府華亭縣界一百里



東北到通州海門縣界一百五十里以海為界

西南到長洲縣界五十里

西北到長洲縣界六十里

崑山鎮在縣東南一里後廢今薦嚴

資福寺即故基

### 城社

按古圖經云縣故有城在東南三百步然今縣境無城以竹木為柵相傳婁縣猶有城基其田尚有城裏田之稱墟落間以城名者舊有十二今可知者七爾

東城在縣東三百步城雖莫考今橋

巷猶以東城為名吳志云耕者於東寺後多得古城磚及銅箭鏃

武城在縣西北

里漢書婁縣注云

有南武城闔閭起以候越今其地疑即是

金城在縣東

里城基猶存相傳云吳

王所築今猶有金城浦之稱

常熟故城在縣東一百三十里梁以南沙為常熟縣因築城高一丈厚四尺周廻二百二十步唐武德七年移縣治海虞鄉城遂不存

度城在縣東南七十里相傳黃巢時所築今

城雖不存猶有城濠及掘地間得城磚

西康城即今土山山下有卜將軍廟墓碑云

死塋于西康城

巴城在縣西北十八里其地有巴王墓莫詳其因

雉城在縣西北里

東林城在縣北十八里

顏縣城 九浦城 二城並古經所載

社壇在西南二百九十步淳祐壬子知縣項

公澤重修仍建齋宮有記

山 墩墟岡

吾邑因山得名玉出崑岡蓋所以比機雲也今山  
隸華亭邑所有山寔名馬鞍山近年以來得石鐫

之則瑩潔之態儼與玉同得非地因人勝而馬鞍山可以出玉邪當有機雲若人者出庶不負此山云

古崑山在縣東南高一百五十丈周迴八里陸機居此山機思鄉詩云彷彿谷水陽眷戀崑山陰今屬華亭縣

馬鞍山在縣西北三里高七十丈山上下皆擇勝為僧舍雲窻霧閣間見層出不可形容繪畫吳人謂真山似假山最得其實大畧見張祐孟郊詩及蓋嶼所作圖序皇祐中王荊公以舒倅板旨來相水利夜秉炬登山閱張孟詩和之遂為山中四絕登臨勝

處古上方為冠月華閣妙峰菴次之山之中又有翠微連雲凌峰垂雲凌虛凝雲諸閣及芝華豐年凌虛諸亭夕秀壓雲翠屏翠茂留雲諸軒名公各有詩見雜詠 淳熙間月華先焚上方次之今或存或廢者不一

土山在縣西北一里周廻一里高三丈又名南山上有卜將軍廟詳見祠廟門

秦柱山在縣南三十里南帶海上有烽火樓基吳時以望海寇吳錄云名秦望山昔秦始皇嘗登此望海今在千墩寺佛殿後高二丈

媧婦山在縣東十八里周廻四十步高一丈五尺上有媧婦廟今大駟村有女媧廟山不存

趙靈山在縣西南三十里吳淞江南興福寺佛殿後高一丈五尺

馬鞍山之西坡田中有石湧出高六七尺上亦有古樹父老相傳此是崑山不知何所據姑存以俟質證

綽墩在縣西十八里古老相傳唐黃幡綽墓在焉因名綽墩

青墩在縣北

里

塘墩在縣東北

里大海橫泖之口

尖墩在縣東 里

天女墩在縣東南十八里地名洪莊村墩上下  
皆茅葦惟中間一路若有人行者雖植草  
不生相傳有天子之女墜於此莫詳世代墩  
中有金龍舟每風雨夕即聞金鼓聲有一  
村民夜過其處見所謂龍舟者攫取之僅  
得一人像長可尺許既歸即大病復取所携  
像置水濱明旦起不見病亦尋愈嘗有強  
暴欲發視為毒蜂飛火逐之不果

縣東北三十里地名木瓜其地十數里內有墩九  
百九十有九村人嘗往發之得金玉之類至縣  
東南千墩浦亦有一墩於是輳木瓜墩數號

千墩浦一說吳松江自吳門至千墩浦江之南北  
凡有墩共一千故所謂之千墩二說未知孰是  
姑存以俟來者質證之

戴墟在縣里

丁墟在縣里本名兵墟今俗訛為丁墟  
非也

高墟在縣西十五里今盛氏園中有小山高丈餘  
中亦隱隱有石

石墩在縣東南六十里

十八里墩在縣西南十八里至和塘傍

廟墩在縣西南一十二里

湯墩在縣東南六十里



唐墩在縣東南

里與松江之側與海

口之塘墩名同而地異

相墩在縣

里

長墩在縣西北

里

青岡在縣東北四十二里

五家岡在縣東北五十二里莫詳五家之因今村落中實為大姓恐以五賈名岡亦未可知

吳郡志攷證外岡青岡五家岡蒲岡屬崑山

以證舊經之誤今外岡蒲岡又分屬嘉定

云

邑自太倉以東有所謂鏗身曰太倉鏗身上鏗身下鏗身歸胡鏗身鏗身官路凡有五

鏗身又有所謂鏗門曰彭鏗門潘鏗門曲鏗門大  
鏗門秦鏗門應鏗門馮鏗門金鏗門賈鏗門邵  
鏗門吳鏗門顧鏗門下鏗門凡有十四鏗門其地  
勢皆高峻與常州地形相等或謂鏗身有路  
直通南京今止聞歸胡鏗身之稱未知孰然當  
必有博古君子為之辨證云

## 水

吾邑素號澤國襟帶江湖朝宗于海而潮汐又往來  
於旦晝故雖間有水旱而田無不登比年以來豪家  
勢戶圍田湖中者太半而江湖傍諸浦多為堰以  
阻其流由是水勢不相入中間屢嘗開發而淤堰如  
故識者皆病之若至和一塘由是以達郡者其壅塞

尤甚疏而通之當必有為國家任事者出云

吳松江在縣南九里古禹貢三江之一也書曰三江既入震澤底定常昭以為三江者松江浙江浦陽江也今浙江與浦陽江不相入常說非也史記正義謂三江者在蘇州東南三十里名三江口一江西南上七十里至太湖名曰松江古笠澤江一江東南上七十里曰蜺湖名曰上江亦曰東江一江東北下三百餘里入海名曰下江亦曰婁江於其分處號三江口顧夷吳記云松江東北行七十里得三江口東北入海為婁江東南入海為東江并吳松江為三江口是則今所謂吳松江乃古婁

江也然有新舊江之別嘉祐間吳中水災  
時李兵部復主為轉運使韓殿省正彥  
宰崑山開白鶴匯如盤龍匯之法知丞沈某  
略灣取直以開新江邑舊有所謂臨以鄉今  
隸嘉定者是也江之勢東入于海西入于松江  
太湖南入于陳湖等漾北入于鰻鱗湖等漾江  
之南北隸于邑者凡有大浦四十四隸他邑者  
不在焉南則有石浦道褐浦蕭市浦金竈  
浦千墩浦洼浦張潭浦棠梨浦同丘浦諸  
天浦張浦凡規浦六直浦南里浦渡頭浦東  
齋浦剎力浦界浦北則有界浦真義浦  
黃瀆浦薛莊浦樂浦心瀆浦華翔浦梁

里浦大虞浦小虞浦社城浦廣浦馬仁  
浦天明浦下駕浦木瓜浦顧幕浦金城  
浦三林浦瓦浦北矮浦徐公浦安亭浦顧  
浦又有小港支派入于江湖者不一也

新洋江在縣東南六里本有故道錢氏時  
嘗浚治之其源出於松江而其流溉於鉅  
身中有橫塘通小虞浦其餘支派皆通運

河

陽城湖包湖傀儡蕩三水合為一在縣西

里其所通之浦凡十四吳涇真義浦黃  
浦朱昌涇則在其南白張菑涇上元涇巴  
城涇雉城涇則在其北自尤涇雉城涇入于

大虞梁里浦則南入于松江諸湖濠惟此最

廣

百家濠大駟濠二水合為一在縣北里

南自新洋江入于松江西自牛尾涇清水港  
櫻桃塘入于鰻鱖濠東自岳力湖以塘會  
于鴨頭塘直入于海杜漕涇對張涇入于涇  
身有百家濠詩見雜詠

鰻鱖湖在縣西北十八里南入于小虞浦北入  
于江家濠西亦可入陽城湖

江家濠在縣西北二十里又在鰻鱖湖北

澱山湖在縣南八十里北自磧磯塘入千墩浦  
入于吳松江

陳湖在縣西南七十里北自界浦渡頭浦入  
于吳松江

朱窠瀼在縣南三十里北自東宿西宿兩浦  
會于棠梨浦入于吳松江

度城湖在縣東南七十里北自石浦道謁浦  
蕭市浦入于吳松江

小虞浦在縣西柵外已附見於吳松門入  
郡而趨江者由是而往與新洋江相對  
於松江之東北諸塘浦惟此最深濶

至和塘自縣西柵至界首凡二十七里舊名  
崑山塘從古為湖瀼多風濤 本朝

至道中邑人朱珏父子嘗論其事太守陳

令公嘗按行之以費浩不果 皇祐中發

運使許公嘗建此議朝廷差殿中丞王

安石相視又會事不果至和二年知縣錢

公紀始修治成塘遂以年號名

立與權至和塘記吳城東闔距崑山縣七  
十里俗謂之崑山塘比納陽城湖南吐松  
江由隄防之立故風波相憑以馳突廢  
民田以漁魚蠶其民病賦入之侵姦相從  
以通徙姦人緣之以避劫行旅通盜賈以  
自利吏莫能禁父老相傳自至今三百餘  
年欲有營作而弗克也有宋至道二三年陳  
令公之守蘇嘗為中貴人按行之邑人朱  
珏父子相繼論其事為州縣者亦繼經度  
之皆以橫絕巨浸費用子數萬緡田膏腴  
沮皇祐中發運使許公建言蘇之田膏腴  
而地中嘗苦水患乞置官司以畝洩之請  
今舒州通判殿中丞王安石先相視馬朝  
廷從之王君既至從縣吏拏荒梗浮傾沮  
道訊其鄉人盡得其利害度長短順其故  
施之圖繪疏曰請議如許公朝廷未之



至和初今太守呂公既下車問民所愁苦  
蓋存意於疏導矣明年與權為崑山薄始  
陳五利一曰便舟楫二曰禁姦商其餘所  
租賦四曰止盜賊五曰禁姦商其餘所  
非可以勝願約古制役民以興作經費  
寡而售效速若其不成請以身塞責既而  
令錢君復言之太守嘗念所以興利之計  
喜其謀之復言從之太守嘗念所以興利  
於監司乃誠庸力經遠通與也舍宿餼薪  
既成以授有司郡相遠君實綏之粵十  
甲午治役先設外防以還上流立橫埭以  
限之乃自戒也獨風號霍迅雷甚雨乃用  
平陸其始戒也獨風號霍迅雷甚雨乃用  
牲于神至癸巳夜半雨息速明休霖以卒  
其役人皆以為有相之者始計月餘蓋旬  
又九日而成深五尺廣六十尺貫米終四  
一十五萬六千工費民財十貫米終四  
六千八百石為橋梁五十蔣榆柳五萬  
七千八百石為橋梁五十蔣榆柳五萬  
入以修完料民之餘治小虞自嚴村至  
于鰲鰲瀼治新洋江自朱澤至清港治  
山塘自山南至東浚者汪六十四浦四  
十四塘六於是陽城諸湖瀼皆通而及江  
田無滯渚民不病涉矣初治河至唯亭得

西

古閘用相合抱以為楹蓋古渠況今深數尺設閉者以限松江之潮勢耳者舊莫能詳之焉呼為民者因循而至此乎是役也自城東走二十里曰任浦崑山治其東長洲治其西以俗名非便於是論請更之曰至和識年號也建亭曰乙未紀義功也太守嘉其有成謂與權實區區於其間其言必詳命之為記嘉祐六年十一月立于亭

然塘雖成陸塗猶未備有獻計者就水中以蘆蔭為牆兩行相去三尺去牆六尺又為一牆亦如此澆水中淤泥實蘆蔭除中候乾則以水車畎去兩牆間舊水牆間六尺皆留半以為堤脚掘其半為渠取土以為堤每三四里則為一橋以通南北之水於是岸始備

嘉祐二年知縣韓正彥同運使李復圭重修熙寧間邑人郊賣上奏欲治不果其後開浚

者不一塘之南北凡一十七浦南則自小虞浦大虞浦梁里浦心瀆浦景浦薛莊浦黃瀆浦真義浦以通于江北則自小虞浦梁里浦尤涇高塘涇朱昌涇黃瀆浦進義浦吳涇以通于湖濠近年壅塞為甚登舟者直至界首或從江湖迂環而轉則又有風濤之虞云

江湖傍諸浦既各附見吾鄉號為澤國按圖而索鼓棹而游凡塘浦涇港之可紀者在積善鄉則有至和塘太倉塘許墓塘顧墓塘交湖塘漢浦塘六河塘櫻桃塘橫塘山塘官塘四塘針塘婁縣上下塘大小虞浦湓瀆浦新漕浦李箕浦馬仁浦字祿浦熊莊浦老了浦浪墅

浦迎鍾浦潭市浦朱明浦莊浦葛浦曹浦廣浦  
馮浦寒浦丁了涇陳段涇牛尾涇聰明涇邵黃  
涇黃墓涇石人涇吳涇景涇鄭涇丁涇威涇清  
水港斜港朱塘鄉則有駙馬塘雉城塘聖王  
塘古塘官塘黃瀆浦界浦下里浦景浦蔣浦  
心瀆浦平洛浦華翔浦韓溪浦石榴浦東西  
羅浦淙浦趙浦上元涇顧市涇師姑涇鰻鮒涇  
施澤涇黃葛涇溫焦涇五千涇二千涇雉城涇全  
吳涇大小南涇羊了涇羅莊涇朱舍涇大渭涇  
黃蘆涇東西吳涇楊巷涇尤涇倉涇殷涇張涇  
新涇廟涇相涇橫涇光涇武城東西港莆港全  
吳鄉則有曲塘浪浦漁連浦甘子浦新瀆浦宿

浦季星涇界涇新涇邵涇徐涇泮川鄉則有后  
塘曲塘古塘磧礮塘橫涇塘大小石浦陸虞浦  
千墩浦若里浦善浦道褐浦白段涇坊巷涇小  
錢涇陶墩涇八千涇寺涇廟涇度城涇張涇大  
漕港武元鄉則有茹律塘王孝塘車塘大小湖  
浦白堆浦墅瀆浦張六浦北弓浦夏侯浦平巷  
浦大小瓜瀆浦天明浦黃墩浦陶仁浦小桃仁  
浦茅老浦東茅老浦宋浦市浦徐浦城邊涇  
邵莊涇東全涇大小橫涇黃鄒涇小蔣涇西楊  
閭涇陳從涇黃泥涇彭段涇泥橋涇莫葉涇  
廣了涇獨兕涇新豐涇馬新涇陳顏涇陸巷  
涇汪莊涇南北殷涇馬塘涇菱段涇顧皋涇胡

浦涇白西段涇東楊涇四段涇新涇葑涇殷涇  
趕涇郭涇戴涇趙涇莊涇李涇甲涇何涇巷涇  
腰港永安鄉則有鷄鳴塘黃孝塘郭澤塘曹塘  
橫塘黃墅浦三林浦顧幕浦九浦小九浦北漣  
浦潘孫浦大小須浦陳連浦白填浦徐公浦大  
顧浦金竈浦鴨善浦木衣浦北陳浦白鶴浦武  
桑浦眉浦鄒浦蔡浦彭浦

蔣浦姚浦楊

浦究浦蘆浦全浦嚴莊涇張師涇中城涇石了涇  
官路涇新開涇田婁涇東西潘涇廟了涇朱洞涇  
馬湖涇運水涇泗橋涇陸緒涇安亭涇朱村涇據  
莊涇交段涇南交殷涇鰵洞涇流浪涇廟了涇了  
鮑涇若墩涇謝湖涇牛洞涇韓村涇塘子涇莊基

涇董段涇螺螄涇米至涇潮庭涇黃丫涇寺涇  
乙涇北涇談涇蔡涇馬涇了涇刀涇全涇戈涇  
汙涇鮑涇吳涇陸涇朱涇港湖川鄉則有湖  
川塘六里塘新塘東西花浦崔漕浦蔣漕浦  
馬漕浦大赦涇凡莊涇李黃涇千步涇陶源  
涇斗門涇南北陳涇南北朱涇黃思涇吳六  
涇陸婆涇雙湖涇馬路涇糜場涇杭涇陶涇  
吳涇曲涇眉涇湯涇沈涇顧涇橫涇蕩涇界  
涇楮涇十二港葦港新安鄉則有半運塘鹽  
鐵塘杜漕塘葉運塘鴨頭塘七了塘小七浦塘  
古塘洪塘上花浦浪港浦戴浦大路涇寺塘涇  
六尺涇八天涇李漕涇梅園涇東張涇棋盤涇

楊園涇石孔涇朱望涇薄秀涇周孫涇尋楊涇  
東西楊涇通船涇項王涇南北馮涇謝涇杜陵  
涇杜令涇龔伯涇馬舍涇大凖涇項脊涇花莆  
涇蔡墓涇磨羅涇素門涇鄒段涇司馬涇鄭  
涇丁涇新涇鬼涇寺涇楚涇錢涇廟涇金涇康  
涇條涇黃涇通商港楊林港陶家港東吳港奚  
洛港三王港直北港斜港施宗義港涇港吳  
港施港陸文宗港王守宣港沈宗港孫昉明港  
沈港曹港后港盧港孫港中港陳港裴港  
惠安鄉則有上吳塘吉涇塘泥塘官塘侯塘新  
塘古塘白苧浦大潮浦盧福浦秧浦中趙浦南  
北趙浦五莊涇小朱涇因丹涇恬靜涇中洛涇



東西杭涇徐丁涇下公涇車漕涇張烏涇小半涇  
大王涇茭門涇西半涇浪市涇錢涇湛涇朱  
涇周涇張涇橫涇姚涇盛涇時涇徐涇孟涇  
湯涇葑涇新涇苑涇斜塘港章五港斜港合  
九鄉而言之凡為塘四十七浦一百單八涇貳伯  
伍拾港三十九共四百四十有四皆名隸朝郡者  
而所謂某家洪某家涇之類皆不在此數

### 風俗

崑山自昔號壯盛吳諸邑之最繁劇者大抵其  
俗仍太伯季札之風崇尚禮遜無復好釁喜名  
鬬之舊其民務耕織有常業然多奢少儉  
競節物信鬼神歲節山寺有歲懺為佛會

一月士女駢闐車蓋相屬上元取燈於郡所謂  
萬眼羅琉璃之類甲天下燈影月色照耀里  
陌舞歌簫鼓連夕不絕二月望景德寺有  
釋迦涅槃雙林會尤盛自三月旦爭往嶽祠  
拜祈禱賽四月八日尼寺設飯茶供名無礙會  
是日浮屠浴佛遍走閭里望日山神誕縣迎神  
設佛老教以祈歲事并社為會以送神自山  
塘至邑前幕次相屬紅翠如畫他州負販而  
來者肩袂陸續後兩日則觀角觝於山之西  
八月望西津觀潮縣設酒於閭潮館綵旗迎潮  
觀者如堵十月朔謁墓如寒食不拜朔謂之鬼  
節俗重冬至親朋饋送交馳於道臘月二十四

日祭竈婦女不預二十五日食赤豆粥下至婢僕猫  
犬皆有之有出外者亦分及名口數粥是日爆竹  
驅儺田家燃炬名照田蠶歲節祀先用除夜焚  
蒼术辟瘟丹家人酌酒分歲夜分祭瘟鬼易桃  
符向明打灰堆飲屠蘇此一歲風俗之大畧惟  
歲節冬至縣官率鄉之寓貴士友聚拜於學之  
明倫堂會茶而散禮儀雍長幼有序自樂菴  
李公行之至今五六十歲則他邑所無今令尹項公  
澤又捐金置租以充所費云

戶口

古經載祥符間主戶一萬三千七十八客戶三千二百  
七十主丁一萬五千三百八十九客丁三千三百單

三慶元間主戶三萬五千二百四十二客戶三千七百視昔已多今主客共四萬五千三百六十八戶一十三萬四千五百口較之古經蓋將數倍生齒日繁則邑之壯盛可見云

### 學校

縣舊有文宣王廟在東南七十五步中以兵火廢唐制郡邑得廟夫子大曆九年大理司直王綱為令始立學於廟垣後黃巢之亂更五代五十六十年不建至雍熙間縣令邊倣因遺址重立廟闕闕甚麗狀十哲於傍王禹偁為記景祐初范文正請立郡庠於是亦有學元祐間知縣杜採始建在縣西南二百九十步紹興

間知縣程沂重修張九成為記郡守蔣堂名  
講堂為致道仍書學扁 隆興間知縣李  
結淳熙間知縣葉子強周承勛 紹熙間知  
縣李稠重修各有記 慶元間知縣章萬里  
改致道堂為明倫 嘉定間知縣巫似脩重  
建大成殿近歲知縣徐聞詩重修重書學扁  
學有齊六曰居仁由義履信教忠成德致道  
自知徐聞詩立月書季考之式而累政又益置  
學田由是教養兩備云 唐梁肅學記學之制與政損益故學舉則道舉  
政污則道污崑吳東鄙之縣先是縣有文宣王廟廟堂之後有學室中年兵饑存臻堂宇大壞方郡縣多故未建繕完其後長民者或因葺之以民尚未泰故講習之事設而不脩大曆九年太原王綱以大理司直兼縣令既釋奠于廟退而歎曰夫化民成俗以學為本是而不崇何

政之為乃論三老主使整序民節班事大啓室  
宇廟垣之任聚五經于其間以邑人沈嗣宗  
躬環經學但為博士於是遐邇通學徒或童或  
冠不召而至如歸市焉公聽治之暇則往教  
大猷以聳之博考明德以翼之優而柔之使  
自求之於鄉黨治之於四境父篤其子兄勉其  
行之不被儒服而行莫不耻焉食曰公主于  
弟有不其末不墜其本易其耻為食曰公主于  
設教嚮其末不墜其本易其耻為食曰公主于  
傳曰本立而道生昔崔瑗有南陽文學志王  
聚有荊州文學志皆表儒訓以著不朽遂繼  
其流為縣學記俾來者知我邑經藝文教之大  
所以興是歲龍集乙卯公為縣之明年也大  
曆九年月

學租米

舊管

二百四十石

知縣樓條置

八十六石六斗七升

知縣項公澤置

一百七十一石六斗二升

內一十八石斗 升係充茶會用

學租錢

舊管

三十六貫一百五十文十八界 二貫文足

坊陌橋梁

里有坊坊有扁所以識道里示觀瞻也邑舊有坊四曰光化平樂招賢永昌有市二曰都場永安皆舊經所載今莫詳其所淳熙甲辰文節衛公魁天下始建坊石浦令尹項公澤下車以來百廢具舉捐金勸民為坊凡三十有二扁皆前簿吳堅所書遂為邑之壯觀

近民坊

近民館西

覽德坊

主簿廳東

平政坊

陳老橋北對縣

武寧坊

尉司衙東

成達坊

縣學東

朝京坊

西柵

朝宗坊

南柵

婁豐坊

北柵



玉鎮坊 山前

忠正坊 趙忠簡府前

登平坊 倉巷

春和坊 平橋東

登春坊 棚巷

日新坊 前新街

又新坊 後新街

通德坊 鄭大資府前

安定坊 安定橋西

太平坊 太平橋南

積善坊 甫庫橋南

富德坊 甫庫橋北

儒學坊 茅家橋東

寶信坊 寶月橋南

貴德坊 通蘭橋東

德潤坊 後市橋南

明德坊 後市巷西

餘慶坊 尊榮橋東

厚俗坊 陳老橋東

片玉坊 陳老橋西

安榮坊 姚家巷南

興仁坊 東城巷南

惠政坊 西寺巷南

進賢坊 醋庫巷南

縣以市名者二曰市心曰後市市心在寶月橋之南後市在後市橋之西

縣以巷名者二十有七曰社壇巷醋庫巷東寺巷西寺巷北倉巷東城巷弓手巷華亭巷後寺巷周廳巷項客巷姚家巷金童巷秦家巷潘家巷鄧家巷章家巷郁家巷辛家巷孫家巷明王堂巷李侍御巷顧二巷巷陳賣羊巷楊編筭巷柴巷焚巷

縣橋梁之有名可紀者近七十而郭外者不在此數

寇行橋

旧經

縣東橋

太平橋

並縣東

張家橋

縣西

平橋

秦迪橋

酒坊橋

陳老橋

望江橋

並縣南

北倉橋

山溪橋

衆安橋

並縣北

釘行橋

菜行橋

魚行橋

崑山寺西板橋

鎮東橋

紹法巷橋

廟堂東橋

廟堂西橋

慈濟橋

已上並旧經

秦蔡橋

唐家橋

朱辛橋

廣濟橋

寶月橋

通閭橋

姚家橋

後市橋

永福橋

甫庫橋

茅家橋

東城橋

悲濟橋

羅漢橋

鑽龜橋

蝦麻橋

並縣東南

惠政橋

進賢橋

進福橋

舞雩橋

積善橋

高平橋

迎仙橋

景德寺橋

駟馬橋

迎恩橋

滎陽橋

進儒橋

普通橋

陸家橋

宋塔橋

無不利橋

並縣西南

戊己橋

富春橋

望山橋

萬壽橋

安定橋

迎壽橋

流慶橋

慶元萬壽橋

並縣東北

全相橋旧經

清風橋

明月橋

半山橋

見山橋

鼇峰橋

慧聚寺橋

並縣西北

營寨

古開江第二指揮

在縣西南二百八十五步元額五百人創於嘉祐間自朱勔進花石綱盡奪營卒以往其

營遂空紹興二十八年知府蔣璩言于朝

省劉節文太湖者數州之巨浸而獨泄以松江之一川宜其勢有所不逮是以昔人於崑山之東開二十一浦分而納之海後為潮汐沙積而開江之卒亦廢天聖間漕臣張綸嘗於崑山縣開衆浦景祐間郡守范仲淹亦親至海浦開五河政和間提舉趙霖又開三十餘浦此皆見於已行今諸浦淤塞又非前比平江積水兩月未退乞於崑山縣招填三百人役在開江指揮移之後徙子州至今府之隸役猶

有開江兵士之目而邑之營地遂改為常平倉又改為觀風館又改為全吳驛又改為務

官廳廳廢今隸縣學

楊林寨在縣東北八十里地名菑汪村紹興四年置



玉峰志淳祐辛亥五月修壬子二月刊于縣學預纂脩  
者書氏名于後

迪功郎平江府崑山縣尉俞煒

迪功郎平江府崑山縣主簿施丙

迪功郎平江府崑山縣丞卜稷

迪功郎平江府崑山縣主簿吳堅

承事郎平江府崑山縣主管勸農公事兼主管

運河堤岸搜捉銅錢下海出界專一點檢園

田事兼弓手寨兵軍正項公澤

玉峰志卷中

陽羨凌萬頃

陳留邊實

公宇

公宇觀瞻所係政令出焉惟不以傳舍視之則一日必葺有興有廢此邦公宇素壯麗非他邑所可及鼓樓重剏綽兩稔若近民館賞心樓則前所未有今令尹項公澤所建云

縣衙在縣內正北紹興二十六年知縣程沂重建舊傳孟尚書捨宅為之故今猶祠孟於縣門內之東

鼓樓嘉熙丁酉七月圯於大風因循十餘年

屢更令不克造淳祐丁未知縣徐聞詩嘗興  
材植欲造不果已酉知縣婁條市大木別  
建視昔高廣今二卿樓公泊書額

頌春宣詔二亭在縣樓左右紹熙三年知縣  
李稠建

平政堂在縣治內舊名琴堂知縣李伯長改  
今名有詩見雜詠

讀書堂在縣治內知縣葉子強建有詩見  
雜詠知縣李伯長改今名

松竹林在縣治內知縣項公澤建

縣圃在縣治內之東知縣葉子強初中有錦

香絃歌蘊輝亭有詩見雜詠

縣丞廳在縣治之東

主簿廳在縣治之西廳事後名西堂久皆頽圯扁亦不存淳祐己酉主簿吳堅重建名覽輝堂又新創高士軒於廳事之西

縣尉司在縣南五十步舊有隱齋笑月亭分翠軒皆縣尉王齊興建有詩見雜詠淳祐乙巳縣尉陳肖孫勅書院於廳事之東

教場在衙內之西舊有立武亭後廢淳祐壬子知縣項公澤重建

監務廳在縣西南二百八十五步今廢

殿丞廨舍在縣西南今廢

巡塘廨舍在縣西南今廢

問潮館在縣西南二里四十步知縣葉子強建  
以識潮過夷亭出狀元之識淳祐辛亥知縣  
項公澤重修

觀風館在縣西南二百八十五步知縣李稠建  
嘉泰間改名金吳驛今廢地隸縣學

近民館在縣樓之東淳祐庚戌知縣項公澤  
建

新江驛今廢

縣倉在縣東北百步

常平倉在縣西南二百八十五步今廢

酒稅務在縣西南二里

商稅茶鹽場在縣東南一百步今廢

醋庫在縣西南

戶部漳浦酒庫石浦酒庫新永安酒庫名  
以贍軍吏部揭闕注官課入版曹而兩浙漕  
臣提領其事月解徑詣臺縣無預

安懷坊在縣東北一里十步淳祐辛亥知縣項

公澤建

春和樓在縣南五十步淳祐己酉知縣項公澤  
建

賞心樓在縣東南市心本民居淳祐庚戌知  
縣項公澤置徹而新之視春和樓尤為雄  
壯

稅賦

田地有賦此常制也土地綿袤故稅賦盛多考之  
古經景德祥符間夏稅丁身鹽錢叁千六百  
餘貫絹一萬五千三百四紬七百七十匹綿一千  
三百屯秋苗米一十萬有畸慶元間夏稅倍  
其數綿十倍之秋苗則益以八千碩自嘉定分治  
東邑賦隨地遷由是歲輸減半今列見管

秋苗

額管五萬九千八百四十七碩五斗九升內糯苗六千二百一十四石三斗八升八合折苗四千七百七十四石二斗二升

自淳祐以來平苗拾碩以上及折苗糯苗皆  
在府倉輸納平苗拾碩以下在縣倉輸

納郡又差吏監厥以平苗月據所納多寡  
徑拋下支散許浦水軍縣不干預仍以折苗  
一千一百五十三石八斗五升借縣務充糴  
糯酒本然冊江事故荒白及改為園營沒  
官等田者甚多故每歲所催合三色僅  
及五萬餘石已該蠲放

### 夏稅

折帛和買錢六萬三千一百三十三貫九伯  
五十七文然冊江事故荒白及改為園營沒  
官等田者甚多故每歲所催止四萬餘貫  
役錢



縣管催積善朱塘全吳新安惠安鄉共六

千六百五十貫一十二文

縣丞廳管催坤川永安武元鄉一千九百九十

貫五百文

### 課利

稅賦之外有課利所以供赴版計等錢而所取辦者酒稅而已酒息之多寡視今之能否不可以一定論若稅錢抱納自有成例云

使府版帳錢

正月二月分各

三千一百五貫九百八十四文

三月分

四千九十一貫二百七十六文

四月分

四千九百五十八貫九百六十五文

五月分

五千一百九十四貫六百八十五文

六月分

三千八百四十四貫六百八十五文

七月八月分各

五千三百三十五貫八十五文

九月分

四千一百七十八貫六百二十六文

十月分

三千三百四十二貫四文

十一月分十二月份各

三千三百四十一貫七百四文

已上並五分十八界會五分現錢解  
發

使府下網錢

正月二月三月十月十一月十二月分各

八貫四百文省錢

四月五月六月七月八月九月份各

九貫六百文省錢

通判廳版帳錢

正月二月份各

一千二百七十四貫六百六十文

三月分

二千四十四貫九百五十一文

四月分

二千七百五十八貫二十七文

五月六月七月八月分各

二千七百五十八貫二十七文

九月分

一千九百八十七貫七百三十文

十月十一月十二月分各

一千二百七十四貫六百六十文

已上並五分十八界會五分現錢解發

右具上件守倅廳錢會並係酒息椿

辦

通判廳役錢

每月分

二百五十貫文

通判廳五六分錢

每月分

一百五貫四百三十八文

並係五分十八界會五分現錢解發

通判廳五分頭子錢

每月分

一十貫文 錢會中半

已上三項以役錢及坊椿辦若不足

則以酒課轉發

通判廳截撥下綱錢

正月二月分各

三百六貫二百六十文

三月分

五十一貫一百九十二文

四月分

六十六貫八百一十二文

五月六月分各

七十一貫六十文

七月分

六十九貫九百八十四文

八月分

六十四貫六百五十文

九月分

五十一貫七百七十五文

十月十一月十二月分各

四十貫五百一十二文

已上並係十八界會

遇大禮年分解發使府

五百一十三貫七百文

十八界錢會中

遇大比年分解發使府

二百貫文十八界會

使府不排辦人使錢

每歲

二百五十貫文 十八界會

已上並以本縣酒息椿辦

提刑司吏祿錢

每月

八十八貫七百四十三文

三分名七分十八界會

提舉司吏祿錢

每月

七十六貫六百文 十八界錢會中半

已上二項催湖川鄉役錢并雜色錢轉

解



提刑司接官頭子錢

二百貫文

十八界會支遇接新憲時行  
下支發

提刑司職租頭子錢

每月

四十七貫二百六十四文

十八界錢會三七  
分

通判東廳職租頭子錢

三百一十三貫七百一十九文

十八界錢會  
中半

通判西廳職租頭子錢

三百三十八貫七百九十四文

已上四項並於職田頭子錢椿辦  
如不足則以職田米撥糶轉解

官租

官租名色凡十曰朝籍園田

舊隸安遠所

版帳園田

舊隸

本縣以助版帳月解續淮東總領徐稼取隸總領所而版帳月額不減

沒官田

舊隸憲倉兩司

常平官租

舊隸倉司

投買常平官租

舊隸本府

草蕩園

田管田沙田沙地塗田

舊隸倅廳

舊例園田每畝二

斗沒官田每畝五百省錢投買常平田營田每

畝六升五合自淳祐七年尚書省置田事所差

幹辦公事葉啟馮端符知縣樓條并量於是

又增新續改正兩項園田雖嚮之隱賦不輸者皆

不可逃然租額比舊增多園田每畝四斗營田

沙田投買常平田每畝三斗沙塗田每畝二斗沒

官田依鄉原例斗器不等園蕩營蕩沙地每

廿七  
畝十八界一貫並隸田事所近淳祐庚戌又以新  
舊籍園田常平田沒官田沙田營田隸淮東總所  
若田畝之虛實租額之重輕又未可以一歲為定  
後之能察民瘼者輕而上聞民之幸也  
諸色園田租米

六萬七千二百九十三石六斗

營田租米

一萬八千一百八十石一斗二升

沙田租米

一千四百四十四石七斗一升五合

新舊籍沒官田租米

四千七百九十九石一斗四升五合

常平官田租米

二千一百八十二石一斗四升

投買常平官田租米

一千七百一十石

蕩錢

一萬七百貫六百六十五文

學田租米

已具學校門

職田

知縣四百四十六石六斗一升

縣丞三百四石五斗八升

主簿二百三十九石九斗七升

縣尉二百二十九石八斗九升  
監務一百八十七石四斗七升  
楊林巡檢一百二十一石七升

已上並省斛

安懷坊租米

項知縣任內用錢交易置到

五百二十四石六斗九升五合

並一百三十合足斛

獄糧租米

九十石四斗

內一十五石六斗項知縣任內用錢  
交易置到 係一百三十合足斛

縣令題名

自梁以來宰邑以善聞者已見名官條至

本朝而復有題名碑具焉自遼傲至汪稽中  
<sup>則</sup>葉子強為記自趙汝楫至今則周寓為記碑  
在縣廳之東

遼傲

李維

李垂則

蓋上行

梁適

陳從直

張方平

李安

徐執中

錢公紀

韓正彥

錢勰

高保行

吳安度

沈遼

顧中

杜保

葛永

佚渙

李乘

錢景邈

周擬

鮑朝賓

姚舜明

郭淵

蓋璵

黃浩然

梁澤民

孫承

吳昉

孫畸

舒邠弼

邵相

董將

施堽

俞彥興

劉澈

張漢之

魏彥樞

祝振卿

邵序

莫伯虛

朱端稟

胡喆

張鎮

程沂

湯松年

胡廷傑

羅輦

徐譚

李結

裴定

黃鶚

劉堽

聞人大雅

汪操

葉子強

王子濤

邵裒然

劉藻

邵輜

張真卿

周承勛

孫僑

李稠

翟昉

章萬里

吳槃

潘友文

徐挺之

章定

林晉之

芮度

應復之

汪稽中

趙汝楫

周寓

馮自強

巫似脩

趙汝鄴

李枕

趙善菖

李伯長

張晉之

楊爽

薛儀老

周逢漢

林靖之

王伯深

陳宣子

潘彙征

張應運

徐聞詩

樓條

項公澤

樓昞

胡蔡



名官

蔽芾甘棠勿剪勿伐民之去思也自梁及今官于是者凡幾人今以可書者表而出之使後來者慨慕遐想罔俾專美於前實一邑所望云

梁陸慶少好學通五經尤好左氏春秋節操甚高仕為婁令以善政聞

唐王綱以大理司直充縣令政務化民始建縣學有梁肅記見縣學門

孟廷份為尉郊之父能詩生郊於此後以詩名於世

德

權立為主簿興之從兄敏於學行薄於官名德興嘗作序送之

劉綺莊為尉研窮今古博考傳記作類書

百卷行於世名崑山編

皇朝遼傲雍熙初為令因舊址新作夫子廟自是縣學復興時淮海王如京師方獻圖籍上聞傲之賢賜璽書獎勞

張方平景祐中為今時吳越歸國未久前此豪民占田者多積訟有數十年不決者公召問所輸幾何大率百總一二乃悉收其美田以賦貧民訟亦息時蔣希魯守郡得其所著菑荒論上之遂舉賢良科

韓正彥字師德魏公之姪嘉祐中為令勅石堤䟽斗門作塘七十里以達于郡得

田數百頃又請以州之賦十三萬從便輸於縣塘餘村為縣倉民大悅比去

為立生祠作思韓記

張漢之為令其父兩為憲漕五領郡符而家極清貧漢之政務寬厚尤緩於索租邑人戲為言曰渠家自來無此故不欲與人索也

潘友文字文升東萊先生之友為政寬厚慈祥愛人俗呼為潘佛子秩滿爭結綵樓於路號曰去思植桃於山題詠甚多見

雜詠

王萬樞韶之曾孫遂之父為尉得海盜溢

格吏請出郊以應親獲之文萬樞據實卻之其有守如此

陳璧字君玉為主簿留意教養開學以作  
成士子講論勸勉不憚其勞邑人造問者  
無虛日所成就極多

進士題名

慈恩千佛之經所以侈同登而勉方來也進士  
題名叙先後科甲吾邑為尤盛魁天下  
魁南宮魁右科鼎鼎流傳自

端拱至今凡進士百二十有八來者續書未

艾

端拱元年程宿榜

龔識默甫 殿中侍御史

天聖五年王堯臣榜

龔宗元會之 識于都官郎官

嘉祐二年章衡榜

郊叟正夫 比部郎官

治平三年彭汝礪榜

孫載積中 朝儀大夫

熙寧六年余中榜

龔程信民 宗元子

崇寧五年蔡寔榜

龔況濬之 程之子

祠部員外郎

政和五年何臬榜

唐輝子明 禮部侍郎

黃晞時俊

政和八年王嘉榜

衛闐致虛 太學博士

張德本復之

宣和六年沈晦榜

王葆彥光 監察御史

范雱伯達 秘書郎

建炎二年李易榜

唐燁子光

輝弟  
朝議大夫

紹興二年張九成榜

尤著少蒙

紹興五年汪應辰榜

郊升卿師古

重孫  
知常州

王嘉彥邠美

蘇姪

紹興八年黃公度榜

沈詢嘉問

紹興十二年陳誠之榜

嚴煥子文

陳璘器則

馬友直伯忠

特科

范成象至先

雪姪  
工部

袁鰲可久

鄭希賢君亞

張之才周美

紹興十五年劉章榜

李衡彥平

侍御史

顏聞彥和

特科

遘惇德公辨

特科第三

紹興二十一年趙遠榜

成端亮伯準

紹興二十四年張孝祥榜

陳九思希魯

甲科

鄭鎮公玉

范成大選能

雲子  
參知政事

樂備功成

紹興二十七年王十朋榜

顏度子魯

工部侍郎

王萬必大  
蔭弟

紹興三十年梁克家榜



宋光遠民望

趙善遠道卿

秦膺剛和仲

龔明之希仲

淳熙二年詹曠榜

張舜卿次夔

陳宗召景南

王嘉謀

陸自新德輝

胡元佐德懋

辛元應膺辰

周良臣君顯

淳熙五年姚顗榜

吳仁傑

顧澈伯澄

淳熙八年

黃真卿元吉

淳熙十一年衛湜榜

衛涇清  
狀元閣事

呂伯奮  
忠甫

夏允中  
彥執

翁謙天  
益

淳熙十四年王容榜

李應祥  
夢龍 衛子

顏叔淵  
養源 度姪

馬先覺  
少伊 發直孫

隆興元年木待問榜

唐子壽  
致遠 輝子 朝議大夫

郁昇  
舜舉

趙彥疎  
欽仲

趙公高  
成甫

袁宗仁  
壽卿 龜子 書庫官

姚申之  
崧卿

賀三聘  
湯輔

李廷直  
世南

成欽亮  
仲鄰 端亮弟 知峽州

乾道二年省國梁榜

葉季貞時質 特科

林梓材鄉

乾道五年鄭僑榜

辛機應仲

陳茂英季實

王邁德遠

陳九德希臯 九思弟

潘孜道任 特科

錢永弼叔憲 特科

郊晉卿師尹 升卿弟 特科

乾道八年黃定榜

范之柔叔剛 礼部尚書

范藻德明 成象子

張左右民 特科

李燁良佐

紹熙元年余復榜

李起宗揚祖 應祥子

顏叔玠景珪 度姪

趙善適衛卿 善遠弟

顏叔平景晏 度子

陳振震亨

太府寺丞

顏應叔修

度弟

朱起宗元振

特科

胡椿德進

特科

鄭允文元修

特科

紹熙四年陳亮榜

張松子觀

慶元二年鄒應龍榜

鄭準器先

中奉大夫

王芹元采

特科

慶元五年曾從龍榜

陳貴誼正夫

宗名子  
叅知政事

顏叔瑤粹中

叔玠弟

衛沂與叔

汪弟

潘興嗣顯祖

教陶孫器之

沈晞顏文仲

特科

嘉泰二年傅行簡榜

趙絛 直宝章閣

楊沂希黥

沈誠天瑞 詢孫

顏叔并景容 度姪特科

開禧元年毛自知榜

江先子朋 朝議大夫

趙汝淳子塾

顏叔璵器之

遼瀛道卿 惇德子特科

嘉定元年鄭自誠榜

衛洙魯叔 汪弟右司郎中

衛洽晉叔 汪弟

袁宗魯道卿 宗仁弟特科

鄭敦王休 特科

博學宏詞科一人

陳貴誼正夫 慶元五年進士

嘉定四年趙建大榜

秘源子長 上舍

呂叔獻恭父 伯奮弟特科

胡天選賢卿 特科

嘉定七年袁甫榜

衛洙魯叔 汪弟  
再及第

王杲卿希顏 特科

嘉定十年吳潛榜

王圭君玉

嘉定十三年劉渭榜

黃保大和卿 必大弟  
省元

嘉定十六年蔣重珍榜

蔡珏珍父 內舍

黃洙魯叔 特科

紹定二年黃朴榜

黃必大昌卿

鄭肅文捷 準兄  
特科

郁雲景龍 昇姪  
內舍

郁中正叔

沈逢原深甫 特科

顧然雍叔  
郭思義得甫 特科

端平二年吳叔告榜

陳拱泰亨 振弟

嘉熙四年周坦榜

劉必成 右科狀元

淳祐元年徐儼夫榜

邊應升子用 惇德孫 特科

李潛晉甫 應祥子 特科

淳祐七年張淵微榜

袁逢午中甫 宗仁姪 特科

人物 氏族

五人生此山亦得此名誦荆公之詩則地因人勝  
舊矣機雲以來人才相望流芳餘慶姓字猶  
香接踵繼聲其來未艾表而出之示所庸敬  
云

晉陸機字士衡祖遜父抗機長七尺聲如  
鍾天才秀逸文章冠世開門勤學非  
禮不動太康末與弟雲入洛張華謂  
伐吳之役利在獲二俊遂延譽薦之成  
都王頴頴假機後將軍河北大都督官人  
孟九譜機於頴遂遇害葛洪稱機文猶  
玄固積玉無非夜光五河吐流泉源如一



其洪麗妍贍英銳漂逸亦一代之絕所著  
文章三百餘篇行於世弟雲字士龍六歲  
能屬文性清正有才理與兄齊名雖文章  
不及而持論過之號曰二陸舉賢良時年  
十六吳平入洛周浚謂為當今之顏子補浚  
儀令後百姓圖形配食縣社入拜中書侍  
郎亦為顗所害著文章及新書三百餘

篇

唐陸龜蒙字魯望元方七世孫賓虞子  
龜蒙舉進士不中往從張搏辟後居松  
江南里多所論撰雖幽憂疾憤贊無十  
日計不少輟有田數百畝與江通常苦飢

躬畚鍤之勤嗜茶置園顧渚山下歲取租焉  
不喜與流俗交雖造門不肯見不乘馬每升  
舟設蓬席齋束書茶竈筆床釣具往來  
時謂江湖散人或號天隨子甫里先生自  
比涪翁漁父江上丈人從以高士召不至李  
蔚盧雋素與善及當國召拜左拾遺詔  
下而卒光化中贈右補闕有吳興日錄松  
陵集笠澤叢書行於世

史德義咸寧初隱居武丘山以琴書自適或  
騎牛帶瓢出入郊郭東野號為逸人高宗  
聞其名召赴洛陽尋稱疾歸公卿皆賦詩  
餞別德義亦以詩留贈其才甚佳天授初

江南道宣勞使周興表薦則天授諫議大夫  
後放歸山壑

陶峴以文學自許 知八音不謀官遊富田業擇  
人不欺者悉付之身泛江湖遍遊煙水往數歲  
不歸製三舟一自載一置賓客一貯飲饌與客  
孟彥深孟雲卿焦遂共載逢山水必窮其勝  
開元末名聞朝廷經過郡邑靡不招之峴  
不肯來自謂麋鹿野人非王公上客亦有不  
招而自詣者吳越之士號為水仙常慕謝康  
樂之為人言終當樂死山水浪迹垂三十年  
後遊襄陽西塞歸老于吳唐書

張後胤字嗣宗祖僧紹梁零陵太守父冲陳

國子博士八隋為漢王諒并州博士後徧以學  
禪其家以經授太宗封新野縣公終散騎  
常侍謚曰康 唐書

皇朝龔識字默甫給事中慎儀之子登端拱  
進士第祥符間翰林學士李宗諤薦擢  
監察御史遷殿中侍御史兼左巡使本朝  
襲唐制御史不專言職至是始擇學術醇  
正操履端方可紀綱朝廷者俾入臺言事  
識始被選本朝吳士登科者始於識今府  
學先達題名以識為首識之後有宗元等  
列於後徙居黃姑猶歲其登科時金花榜  
貼子宗元天聖進士終都官貲外郎子程

熙寧進士終桐廬令子況崇寧進士終祠  
部員外郎子明之有孝行終宣教郎子  
昱

郊宣字正夫太倉農家子自幼知讀書識度  
不碌碌登嘉祐進士第崑山自國朝以來登  
科者自宣始宣常條吳中水利為書上之熙  
寧間以宣為司農寺丞奉使浙西措置水  
利民不便之遂罷歸治所居之西曰大駟讓  
者如所獻之說為圩岸溝洫井澮場圃俱用  
井田之制歲入甚厚圖狀以獻旦以明前法非  
苟然者及條水之利害著書行於世後名為司  
農寺簿遷丞歷江東運判知温州以比部

卽中召未至而卒子僑亦有才鄉里推重謂之郊長官嘗為王荆公所器許見之於詩有幼成警悟集行於世孫升鄉紹興進士知常徽二州

孫載字積中其曾祖漢英仕錢氏為蘇州崑山鎮遏使故為崑山人登治平進士第嘗知考城縣一日巡尉來告盜集境上將以上元掠近郭至期載張燈樂飲許民嬉遊不禁夜如故事盜叵測遂遁去迄受代無復鼠竊者後歷廣東河北淮西使者知海沂婺亳州治務天體時號循吏以嘗薦元祐黨人丐祠以歸一日遍謁先隴及嘗與往來者呼妻子與訣

問日早晏焚香而逝終朝議大夫年七十五

唐輝字子明吳郡人寓居崑山以文章名于時  
登政和進士第仕至礼部侍郎弟煒建炎  
進士子子壽隆興進士今其後多居城中  
居於邑者一曰叔達官至通直郎賜緋年幾  
九十猶強健云

王葆字彥光逸野堂僖之姪崑山自孫載登  
第甲子一周而葆繼登宣和第邑人美之葆  
學行俱高潛心古道人皆稱為鄉先生初主  
麗水簿上疏論十弊末以儲嗣為請語尤切  
直暨和議既定葆時為宗正寺簿為書上  
秦檜言伊周去留之得失後為司封郎官

日檜語葆曰檜待吾老如何葆曰此事不當問  
於葆檜曰他人不敢言以公有直氣故問嘗記紹  
興八年檜為右相時公以書勸去位保全功名  
今何故不言葆曰果欲告老不問親與讎擇其可  
任國家之事者使居相位誠天下生民之福檜默  
然後除監察御史兼崇政殿說書終浙東提  
刑葆於人物鑒裁尤精丞相周公必大初中第葆  
即妻以女樂菴侍御李公衡布衣流落時亦妻  
以女弟其知人類如此弟萬姪嘉彥中進士第

嘉謀奏名

馬友直字伯忠其先本姓司馬氏有名球者仕吳越  
以御史中丞為崑山鎮遏使因家焉子孫樂道



不仕隨俗止稱馬氏聚族居邑之全吳鄉六直里  
以孝義著兄弟六人皆力穡獨友直以儒業自奮  
入京師太學迨宣和水苗兄弟皆狼狽營妻子友  
直獨迎其親徙居邑之進賢里僦屋以居躬救水  
養建炎奏名主武康簿奉獄祠尋以宣教郎  
致仕孫先覺紹興進士

王綯字唐公秦正懿王審琦之孫建炎己酉為  
御史中丞自建康扈從至鎮江從容奏陳陳  
東以忠諫被誅此其鄉里上即命賙其家官  
其子後綯拜參知政事以和議不合求去御書  
霖雨思賢佐一聯以賜之綯雖為執政其家貧  
甚每以祿不及親自奉儉薄寓東禪僧舍蕭

然一室服食異用無異寒士天性仁孝明恤嫺族  
復明於死生禍福之說薨前二夕書戊戌字示左右  
及死之日果戊戌也其前知如此終資政殿大學士謚  
文恭

李衡字彥平本江都人避地居崑山登紹興進士第  
為溧陽宰以德化民四年無犯罪者剡章交上  
召對陳便民十餘事除知温州未行擢監察御史  
出知婺州召拜司封郎官遷檢討俄引年掛冠  
築菴圓明村自號樂菴年餘落致仕除侍御  
史同知貢舉因上疏論張說不當居樞筦遷起  
居卽不就知台州又不就復上請老之章時莊治  
作四賢詩以美之四賢者周必大莫濟王希呂及

衡也衡道學精明且樂於教人初自淮來吳萬頃  
先祖實相從遊同居崑山授以莊子一卷寓樂菴時  
朝夕講說和寒山拾得詩一冊行書整整皆達  
理悟性之語蓋衡絕欲清修自中年後惟一蒼  
頭給事故年幾八十視聽不衰而理性益明一夕  
作手書數十紙遍別親友且戒其子毋得隨俗  
作佛事有樂菴語錄一集行於世和寒山拾得詩  
萬頃今藏于家子應祥起宗相繼登第孫潛

淳祐奏名

范成大字至能父雱宣和進士終秘書郎成大登  
紹興進士第歷官叅知政事贈太師謚文穆  
後居石湖是為石湖先生嘗伏節使虜虜伏

穹廬不起神出私書切責之其所負不凡類此餘  
見國史及神道碑行狀甚詳有石湖大全集刊  
於郡庠弟成象紹興進士姪藻乾道進士  
邊惇德字公辨實之曾祖也本開封人樞密直學  
士肅之四世孫高祖仕於吳遂家于崑山幼孤  
至孝貧不廢禮以詩文名一時屢與石湖先  
生唱酬至有敢向詩壇挑老将之句其詩實  
今藏于家筆法如新以連五薦就奏名第三  
歷仕舉員及格會舉將坐累夫改秩年踰六  
旬即挂冠賞格儒林例改宣教鄉達列其行  
朝廷賢其高特改陞朝仍着為令有貽書子  
五十卷存于家子孫俱業儒止安陳先生有

詩云載不實曾空榜帖縣人那得此實贏金者蓋  
先人應升及先升應登也先人連捧三薦淳  
祐奏名終升徒簿

樂備字功成本淮海人寓居崑山以詩文名於  
時登紹興進士第仕至軍器監簿與范石  
湖諸公共結詩社

顏度字魯子充國公五十三世孫由唐魯公之兄  
子仕常熟遂為吳人後寓居崑山以文章政  
事名一時登紹興進士第仕至工部侍郎

孝宗謂度每出一言不動如山因以自號第應  
子叔平姪叔玠叔瑤叔淵皆及第叔升叔璵奏  
名其子孫諸族官居城中仕者尚多萬頃先

人雲蓋公姪壻云

吳仁傑字斗南以詩文名一時登淳熙進士第仕至國子錄自號蠹隱著書行於世者甚多

袁宗仁字壽卿父鼂紹興進士宗仁登乾道進士第仕至國子監書庫官亦以文名于鄉弟宗魯嘉定奏名姪惟寅中鎖廳應酉捧鄉書逢午由太學奏名今主安吉簿

衛涇字清叔祖闡政和進士仕終太師涇淳熙大魁官至叅知政事贈太師謚文穆方其立朝正韓侂胄用事時不為勢怵罷歸十年不調後除御史中丞而侂胄之誅涇之功為多餘見國史及神道碑行狀有後樂集 卷兄沂慶

元進士第洽洙湜洽洙皆嘉定進士洙官至  
左司郎中湜亦屢中鎖廳嘗編禮記集解後除  
太府寺丞將作少監皆不赴終直寶謨閣子樵  
魁銓闈又魁鎖廳終知信州樸中鎖廳終倉部  
郎官樵魁國子終太社析魁銓闈中鎖廳今  
承議郎諸孫仕者尚多亦屢有中鎖廳者云

陳宗名字景南本福清人因贅而居登淳熙進  
士第終禮部尚書三子貴謙祕閣脩撰唐熙  
尚左郎官貴誼慶元進士叅知政事謚文  
定宗名與其子貴謙貴誼俱中宏詞

范之柔字叔剛文正公之五世孫登乾道進士第  
仕至禮部尚書贈特進端明殿學士謚清憲

子克家寧家字家今奉議郎姪慶家今通判建

康府

呂伯魯字忠甫登淳熙進士第幼與其弟仲堪叔

獻皆中童科名公賦詠甚見多

雜詠

趙監字孺文忠簡公之孫知興國軍子緄嘉泰

進士終朝奉大夫直寶章閣

王邁字德遠登乾道進士第通判

子圭嘉定進士今朝奉大夫知常州

陳振字震亨以詩文名于時尤工楷書登紹

興進士第仕至太府寺丞知瑞州朝議大夫致

仕自號止安居士有文集五十卷存于家弟拱

端平進士子昌世三中鎖廳今通判安吉州



孫師尹魁鄉薦次明復魁銓闈中鎖廳今主鹽  
官簿

教陶孫字器之本長樂人因贅而居登慶元進  
士第官奉議郎僉判泉州自號瞿菴以詩名  
子時而復以詩得罪于朝然詩益高名益重  
鄭準字器先本開封人祖父皆寓居崑山由蔭  
補魁闈尋登慶元進士第後知袁州到官  
年餘丐祠以歸子竑竑孺今貴池宰姪端竑  
端嘗中鎖廳竑知泰州改知邵州又改知韶州  
不赴端終淮東提刑兼知高郵軍

婁江之水淨如練婁江之墟禾黍埋莖菜橋空  
秋興老山塘涇滿野花開嚮公菴屋生蒼玉

卜將碑文昏綠言惆悵龍州埋骨處夕陽行  
客重徘徊

單開之歲冬十月初有八日閱得玉峰誌感  
懷因書四韻於帙辭雖不工用記歲月耳